

32.

32

8

1725, 8

FACULTATIS JURIDICÆ
IN ALMA AC PERANTIQUA VNIVERSI-
TATE ERFORDIENSI

DECANVS,
JOH. HENRICVS

Meier/ JCVS,

ELECTORAL. REGIMIN. CONSILIAR. DECRE-
TAL. PROF. PVBL. VNIVERSIT. SENIOR,
NEC NON JVDIC. PROVINC.
ASSESS. PRIMAR.


LECTORI BENEVOLO

S. & O.

de iure emphyteutico.

ERFORDIÆ,
TYPIS GROSCHIANIS, ACAD. TYPOGR.





Rerum gerendarum nervus apud Romanos, pro maiore parte, ex vectigalibus inferebatur, eorumque cura residebat penes Censores, quos, de fundis publicis, vectigalia providè in Populi conspectu locupletibus publicanis elocare oportebat, tradente Tullio *Orat. 1. in Rullum*. Hi publicani exigebant de fundis stipendiariis & emphyteuticariis ab eorum possessoribus vectigal; in quâ sua functione sæpius jure suo abuti solebant, quapropter in Sacris malè audiunt; nec tantummodò prædiorum onerum fiscalium conductores nomine publicanorum indignantur, sed quoque qui de mercibus partem, Fiscî nomine, præcipiunt: In Republica, tempore mediæ Jurisprudentiæ, liberi populi, uti provinciales, nihil tributi conferebant, qui tamen non minùs sub Imperatoribus munes fiebant, Hi enim subditis no-
va

va & inaudita vectigalia imperabant, non solum pro immobilibus, sed quoque edulis & potabilibus; quæ per totam venirent urbem quadragesima summæ fisco cedebat; quod etiam hodie & quidem onerosiore modo alibi usurpatur; tolerabile magis apud nos, quippe ruri degentes loco talis tributi à tempore pubertatis ad sexagesimum ætatis annum quadrantem thaleri, germ. *Kopff-Geld*/ pendunt per annum. Nero initio sui principatûs, dum adhuc obsequabatur injunctis sui moderatoris, Senecæ, quò gratiam populi aucuparetur, partem quintam & vicesimam pretii mancipiorum; Trajanus verò vectigal vigesimalium sustulisse fertur; etenim hoc vectigal, putà vicesima hereditatum, ab Augusto ad subsidium ærarii, bellorumque onera extraneis heredibus irrogatum erat, cujus mentio superest in *l. ult. Cod. de Edict. div. Hadrian. tollend. Plin. in paneg. yr. Trajan. & Dion. lib. 55.* De hisce pluribus etiam à Nostri tractatur ad tit. *ff. si ager vectigal. i. e. emphyt. petatur.* Ubi innumeræ difficultates de hoc emphyteutico jure explicatæ sunt, uti videre est vel apud Alvarum Valascum, Lusitanum in suis *de hoc jure formatis Questionibus*, & Aurelium Corbulum *tr. de jur. emphyt.* Pro spatio, quod reliquum, pauca quædam de his delibamus: Quòd hicce contractus pro objecto admittat prædia sine distinctione, etiam urbana *l. 15. §. 26. ff. de damn.*

damn. infect. Nov. 120. cap. 1. jura quoque, immobilibus insistentia, annuos redditus, decimas, &c. atque conceduntur annuo canone in pecuniâ aliave re fungibili, non tamen in corporibus, sive speciebus præstando, quòd hoc non convenit nec emptioni, nec locationi §. 3. *Inst. de locat.* Porro hîc res conceditur emphyteutæ ad perpetuum usum etiam in emphyteusi Ecclesiæ per *Novell. 120. §. 1. junct. cap. 7. X. de reb. Eccles. non alienand.* neque ejusmodi concessio restringenda ad tertiam generationem, neque ad heredum alterum sexum, neque ad descendentes primi solum acquirentis, ut in utroque posteriori casu obtinet in feudis; pertinet etiam ad transversales, & extraneos, testamento vocatos d. §. 3. *Inst. de locat. cit. l. 1. ff. si ager vect.* Sin verò sit constitutum jus emphyteuticarium Emphyteutæ ejusque filiis, solummodò admittuntur tunc descendentes promiscuè utriusque sexus *arg. l. 220. §. 3. de V. S. j. l. 16. pr. de testam. tutel.* Denique ex diversa emphyteusis acceptione & personalis competit actio, quatenus denotat acquisitionis causam; quâ verò eâ voce intelligitur jus constitutum, datur actio realis; equidem emphyteuta tam liberè de jure hoc sibi legitimè in fundo alterius acquisito disponit, quemadmodum proprietarius de re suâ propriâ corporali, licèt hic absolutè; ille verò modo paululum re-

restricto, ut non immeritò aliquod jus, dominio si-
mile ipsi competat, sive quasi dominium, sive utile,
sive improprium appellitetur. De hac igitur am-
plissimâ Juris materiâ, profundius dissertaturus est

NOBILIS ATQVE CLARISSIMVS

DN. SIMON JOH. SIMONETTY,

Jur. Pract. Leisnic. & Maj. Reg. Pol. nec non Elect. Sax.

Reg. Adv. immatr. jur.

Primum is adspexit lucem Boleslaviae, in Oppido Si-
lesiae, d. 5. Julii 1691. Patre, viro *Nobiliss. & Clarissi-
mo Dn. JULIO SIMONETTY de ROGOREDO*, dicti Op-
pidi *Senatore & Pratore, Illustrissimique Comitis de
Promnitz, Soraviae &c. artis Architectonicae Directo-
re*; Matre verò existente, *VRSVLA MARIANA de
STEINBERG*, d. 2. Junii 1710. p. m. Hi optimi Pa-
rentes omnem in educando filio adhibuerunt cu-
ram, quapropter non solum ad Lyceum Lignicense
Ao. 1703. ipsum miserunt, sed &, necessariis profe-
ctibus ibidem instructum *Gymnasti Laubanensis
Rectoris, M. GODOFREDI HOFFMANNI*, de Republi-
câ literariâ, dum viveret, optimè meriti, Curâ &
Informationi concrediderunt; quem etiam, cum
Zittaviensis Gymnasti Rectoratum obtinuisset, Lau-
bâ discedentem secutus, ibique tamdiu remora-
tus, donec, oratione publicâ valedictoriâ ao. 1709.
in inelyto Zittaviensi Gymnasio habitâ, Lipsiensem

) 3

Mu-

Musarum elegantiorum sedem peteret. Philosophica, pro eruditionis fundamento, ibi posuit studia, eumque in finem Consultiss. Dn. D. MVL-
LERI Collegia frequentavit, postea Jurisprudentiæ indefessam navavit operam, & ab ore Celebrerrimorum ac præstantissimorum, dum viverent, Jctorum, Dn. PHILIPPI & Dn. SCHACHERI pependit, sub quorum ductu totum Cursum, ut vocant minori usu, juridicum absolvit, priusque nominati Collegia Practica sedulo frequentavit, perque quadriennium hic ferè commoratus, Wittebergam ao. 1714. se contulit, atque juris fundamenta inibi sedulo ruminatus est, præeunte Viro *Magnifico ac Consultissimo* Dn. MICH. HENR. GRIEBNERO, Jcto. *Pot. Reg. Pol. & El. Sax. &c. ab Aul. & Inst. Consiliis, & Archivar. Intimo, nec non laudatæ Acad. Witteb. Prof. Publ.* Posthac Actuariatûs functio *Saxon. Præfecturæ Radebergensis*, ipsi ab *Regia Camera*, collata, cui quoque per tria Semestria præfuit, ac dein Magnatum diversorum Comes in expediendis itineribus selectus, totam ferè Germaniam, Bohemiam, Moraviam, Austriam bonamque Hungariæ partem permensus est. Tandem sedem fixam meditatus, *Saxoniam*, præ cæteris, optavit, ubi post demandatam sibi Jurisdictionem Generosæ stirpis GROSSENSIS Altenhaynensem, Praxi Juridicæ operam præprimis impendere intendens, Examen

ao.

ao 1721. in Amplissima *Facultate Juridica Witte-*
bergenſi ex voto ſuſtinuit, atque, hoc peracto, ab *Il-*
luſtri Regimine, quod *Dreſdæ* viget, præſtito ſpe-

cimine die 13. Martii d. a. in matriculam Advocato-
rum receptus eſt; poſtmodum, hortatu Familiariffi-
morum, Matrimonio ſibi junxit Virginem, ex Gene-
roſâ *Spiffiorum* familia oriundam, nimirum JOHAN-
NAM CHRISTIANAM, Generoſi Dn. CHRISTOPH. EH-
RENFRIEDI de SPIESS filiam, natu minimam, ſub tu-
tamine Altiffimi adhuc in vivis florentem. Ad
Praxin feliciorẽ ſucceſſu ao. 1721. d. 7. Nov. ſe *Leis-*
nigiam contulit, ubi adhuc domicilium ſuum fo-
vet &, abſit jaçtantia, non immeritò, uti & Nobis
verè probavit, laudem felicis Practici obtinuit; ita-
que, majori commendationi fore arbitratus eſt, ſi
publicum eruditionis teſtimonium ſummoſque
Academicos honores ſibi conciliaret; quam ob
Cauſam perantiquam noſtram *HIERANAM* acceſſit,
atque Nobis honeſtam ſuam intentionem literis
editis declaravit, &, quòd non expediret, func-tio-
nibus ſuis diu abeſſe, modeſtè efflagitavit, ut ſine
remorâ, præparandi rigoroſi Examiniſ cauſâ, Ipſi
textus ex utroque Jure ritè exponendos communi-
carentur; promptè igitur annuimus petitiſ, atque
ex Jure Canonico deſignatum eſt cap. *Audiſtiſ. 3. X.*
de integr. reſtit. ex Jure autem Civili *L. Filio 17. ff. de*
in

injust. rupt. & irrit. fact. test. Hosce textus eruditè & solidè exposuit, atque spinosas quoque propositas quæstiones, objectionibus per congruas distinctiones conciliatis, benè resolvit; quamobrem albos reportavit calculos atque consensu unanimi in album Candidatorum cooptatus est, Ipsique jam declarato Candidato indultum, secundum tenorem Statutorum publica addere specimina; quibus itaq; edendis definivit diem ultimam adhuc cur. Mens. Octobr. quâ ad *cit. L. i. ff. si ager vect. i. e. emphyt. petatu.* **CURSORIAM LECTIIONEM;** Disputationem verò Inauguralem: DE LAUDEMIO EJVSVQE PRÆSCRIPTIONE CONTRA LEGEM PVBLICAM PRÖHIBITIVAM: auspicaturus est. Quibus actibus solennibus, ut Magnif. Dn. Universitatis Rector, Proceres atque Jurisprudentiæ strenui Cultores præstò esse velint, officiosè & amicè invitantur, etiam atque rogantur. Publ. Erfurti sub Sigill. Facult. Jurid. XXII. SS. Trinit. seu 28. Octobr. ao. M DCC XXV.

L.S.

Erfurt, Diss., 1725-26


ULB Halle
005 367 786

3



VD18





32.

1725/8

32
8

FACULTATIS JURIDICÆ
IN ALMA AC PERANTIOVA VNIVERSI-
TATE ERFORDIENSI

DECANVS,
JOH. HENRICVS

Meier/ JCVS,

ELECTORAL. REGIMIN. CONSILIAR. DECRE-
TAL. PROF. PVBL. VNIVERSIT. SENIOR,
NEC NON JVDIC. PROVINC.
ASSESS. PRIMAR.

LECTORI BENEVOLO

S. & O.

de iure consuetudinario.

ERFORDIÆ,
TYPIS GROSCHIANIS, ACAD. TYPOGR.

